

Մանագիկերտ Մշոյ Սելիմ փաշայի իշխանութեան
կը պատկանէր նոյն ժամանակ և Ապտիւլ-Համիտ բէկի
հետ ևս լաւ չէր, սա տեսաւ Իմէր բէկի հաւատար-
մութիւնն ու քաջութիւնը, նորան բէկութեան աստի-
ճան բարձրացոյց և ընդարձակ կալուածներ շնորհեց:

Մանագիկերտի մասնաւոր իշխանութիւնը կը վարէր
նոյն ժամանակ ժանտն Մամանցի Ալի աղան, որ հե-
տամուտ եղաւ «Հացատէր Խէչի» քրոջ աղջիկն իւրեան
կնութեան տանել:

Այս լուրը շրջականերն տարածուեցաւ, հասաւ
այն քրդերու ականջն, որք Խէչից մեծամեծ բարիք
վայելած էին՝ այդ բէկերն կը յայտնեն թէ ժանտն Ալի
ինչ մտադրութիւն ունի. աղջիկը կը տանին, Բանայ
գիւղ շէյխի մի պահպանութեան կը յանձնեն, և լուր
կը յղեն Ալիին թէ՝ «Մեր կեանքն Խէչի «աղ ու հացով»
պահած լինելով՝ նորա համար ևս պիտի մեռնինք,
ձեռքէդ ինչ կը դայ, արա:

Ալին իւր նպատակին հասնելու համար միջոցներ
ձեռք առաւ, չը յաջողեց, մեծ ռիսկալութիւն սնոյց
Խէչի դէմ կըսպասէր յարմար առթի:

Անցան երկար տարիներ, Ռուսի առաջին պատե-
րազմն բացուեցաւ օսմանցւոց հետ, Բասկեիչ սկսած էր
բանակը առաջ շարժել՝ այս կողմերն խառնափնդոր վի-
ճակ մի ստացաւ, ամեն կողմն լաց ու կոծ էր, անկա-
նոն քրդերու առաջն առնել կարելի չէր, ամէն ձորեր,
քարանձաւներու մէջ հառաչանաց ու սրտաճմլիկ հե-
ծեծանաց ձայն օդը կը լցուէր, կրօնամոլութիւն զքրդեր

1 Խէչն միջոց մի գնաց Խնուս ապրեցաւ, որ Ալիի քարկութեան
գոհ չգնաց, 3—4 տարի յետոյ կրկին դարձաւ իր տուն: